



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt III. Gregorius Ianuario Episcopo. a Caralitano.

[urn:nbn:de:hbz:466:1-74544](#)

6.
Diffidatio
turatio
dubitandi

Nec obstat dubitandi ratio suprà adducta; nam hęc regulariter verum sit, neminem cogi rem propriam vendere, ut probat Heraldus lib. unic. emend. cap. 26. ubi exponit legem 9. ff. de actione ver. amotar. legem 6. §. 1. legem 70. ff. de R. V. sapè tamen contrarium observatur, & tene tur dominus rem propriam diffringere, ut probat Hermosilla in l. 3. tit. 5. part. 5. Vnde ob causam ita justum, ut est periculum subversionis, mirum non est, ut tenetor judæus servum Christianum vendere. Nec obstat augmentum primum ipsius difficultatis, pro cuius solutione sciendum est, valde controversum esse inter Doctores, an infideles ex eo tantum, quod infideles sunt, possint privari domino quod habent supra Catholicos? Quam questionem disputant Covar. in regula peccatum, 2. part. §. 11. num. 5. de regul. juris. Saloni. in tract. de domini quest. 3. art. 1. Sayrus in Clavi Regia lib. 9. cap. 6. num. 12. Lessius in Inst. lib. 2. cap. 5. dub. 4. num. 1. Acunna in dict. cap. mancipia. Bannes ad 2. 2. tract. de fide. cap. 13. In qua questione D. Thomas 2. 2. quest. 10. art. 10. affirmativam sententiam tenet ex ea ratione, quia infideles proper suam infidelitatem digni sunt, ut preventur omni dominio. Alii simpliciter negant, & utramque sententiam problematicè probat perdoctus Solorzonus ubi suprà, qui videns est, nam quoad præsentem casum facilis est solutio, siquidem in coagunt Ecclesia Patres de Judæis subjectis Principibus Christianis, à quibus virtute suprema potestatis, & dominations lex lata est, ut nullus Judæus Christianum mancipium possideat, aut retineat, dicit l. 1. Cod. ne Chrif. mancip. & Princeps Christianus potuit talcm legem in sua ditione promulgare, ut aliud tributum illi non indicere valebat. Vnde notandum est, tam in hoc cap. 1. & 2. quam in aliis canonibus suprà relatis, dum de hac privatione dominii Judæorum in servos Christianos PP. agunt, semper referre suas constitutiones ad leges seculares in dict. cap. 1. ibi: Legum beneficio Concil. Tolet. 4. can. 6. Ex decreto glorioissimi Regis. Novavit Larrea dicit. decif. 9. num. 35. Accedit, nam Ecclesia potestatem habet cohibendi & puniendo infideles, si non penitus spiritualibus, de qui-

bus, accipiens est D. Paulus suprà laudatus, penitus temporalibus, & corporalibus, cap. postulasti, cap. consuluit, hoc tñ. cap. inde, de testibus, cap. post miserabilem, de usuris, cap. in Archiepisc. de rap. probat fusè Solorzonus tom. 1. lib. 2. cap. 15. nam. 4. Nec tandem obstat, quod expendebamus de matrimonio Catholicorum cum Gentili; nam cum ambo in ipsa genitilitate validè quoad vinculum matrimonii contrarerint, alio ad fidem converto, altero in infidelitate remanente, non dissolvitur matrimonium nisi infidelis cohabitare renuat sine contumelia Creatoris ut probavi in can. 10. Concilij Illber. propter vinculum contractus legitime celebrati, quod in praesenti casu non datur: & ita ob conversionem servi ad fidem Catholicam privari potest dominus eius domino. Sed suprà tradita assertioni obstat textus in can. 3. Concil. Gangren. in illis verbis: si quis docet, servum pietatis prætextu dominum contemnere, & à ministerio recedere, & non cum benevolentia omni honore domino suo inferire, sit anathema. Referit Gratianus in cap. si quis servum, 37. dist. & ex Martino Brachar in cap. si quis 17. quest. 4. Igitur non rectè in praesenti docetur, servum Christianum proclamare posse ad libertatem, quando dominus eius Iudeus est, renuitque ipsum iusto pretio vendere. Pro cuius canonis expositione dicendum est, quod illis prioribus Ecclesia seculis, cum celebratum fuit Concilium Gangrense, quando sub Principibus Gentilibus fides erant, ne cui christiana religio invida videretur, & ut obrectatores quid in ea reprehenderent, non haberent, sed magis crubescerent, magnâ curâ prædicatum, & observatum fuit, ut servi diligenter dominis suis obdiren, honoremque impenderent. D. Paul. ad Titum cap. 1. Pace verò data, & libertate externe per Principes Catholicos Ecclesia restituta, Cesares ipsi, & Ecclesia Patres statuerunt, ne Iudei Christianum mancipium possiderent, ut docuit Espenceus ad epist. Pauli lib. 2. digress. cap. 17. & ita ad priora illa formula referendum est dictus canon Concilij Gangrenensis, quod celebratum fuit anno Christi 324.

7.
Exponitur
can. si
quis ser-
vum, 17.
dist.

C A P V T III.

Gregorius Ianuario Episcopo. ^a Caralitano.

IVdæi de civitate vestra huc venientes questi nobis sunt, quod Synagogam eorum quæ Caralis sita est, Petrus, qui ex eorum superstitione ad Christianæ fidei cultū Deo volente perductus est, adhibitis sibi quibusdam indisciplinatis, sequenti die baptismatis sui, hoc est b. Dominico, in ipsa festivitate Paschali, cum gravi scandalo, fine vestra occupaverit voluntate, atque imaginem illic Genericis Dei, Dominique nostri, & venerandam crucem, & birrum^c album, quo de fronte resurgens induitus fuerat, posuisset. De qua re, & filiorum nostrorum Eupaterii glorioosi magistri militum, atque magnifici Pii in Domino Præsidis, aliorumque nobilium civitatis vestræ ad nos hæc eadem scripta attestantia cucurserunt. Qui etiam adiecerunt à vobis hoc præfensem, & prædictum Petrum, ne hoc auderet, fuisse prohibitum. Quod cognoscentes, omnino laudavimus, quia sicut revera bonum decuit sacerdotem, nihil fieri unde justa esset reprehensio, voluistis. Sed quia per hoc, quod minimè vos in his, quæ prævæcta sunt, miscuistis, displicere vobis quod factum est, demonstratis: considerantes hac de re vestræ voluntatis intentum, ac magis judicium, his hortamur affatibus, ut sublatâ exinde, cum ea, quæ dignum est, veneratione, imagine, atque cruce, debeat is quod violenter ablatum est, reformare; quia sicut d^d legalis diffinitio Iudeos novas non patitur erigere Synagogas,

ita quoque eos sine inquietudine veteres habere permittit. Ne ergo supradictus Petrus, vel alii, qui ei in hac indiscipline pravitate præbuerent solatum, sine consensu hoc zelo fidei se fecisse respondeant, ut per hoc quasi eis necessitas fieret convertendi, admonendi sunt, atque scire debent, quia hac circa eos temperantia magis utendum est, ut trahatur ab eis velle, non reniti, non ut adducantur inviti, quia scriptum est: Voluntariè sacrificabo tibi: id est, ex voluntate mea confitebor tibi. Sanctitas ergo vestra gratiam inter civitatem suæ habitatores, adhibitis sibi filiis suis, quibus unà vobis hac dispergunt, sacerdotali adhortatione, sicut eam decet, studeat facere, quia in hoc maximè tempore, quando de hoste formido est, divisum habere populum non debetis. Quia vero non minorem de vobis, quam de nobis solitudinem gerimus, hoc quoque pariter indicandum curavimus, quod finitam hac pace, Agiulphus Longobardorum Rex pacem non faciet. Vnde necesse est, ut fraternitas vestra, dum licet, civitatem suam, vel alia loca fortius muniri provideat, atque immineat, ut abundanter in eis condita procurentur: quatenus dum hostis illuc Deo sibi irato accesserit, non inveniat quod laedat, sed confusus abscedat. Sed & nos pro vobis quantum possumus cogitamus, & iis, quorum interest, ut se ad obserendum, Deo adjutore præparare debeant, imminemus: quia sicut vos nostras tribulationes vestras attenditis, ita quoque nos vestras afflictiones nostras similiiter reputamus.

N O T A E.

a *Calaritano*) Ita legitur in prima collectio-
ne, sub hoc tit. cap. 4. & in ipsis epistolis
D. Gregorij, ubi lib. 7. indicit. 2. epist. 5. reperitur
textus hic: ex quo regestro eum transferbo. De
Calaritanâ diœcessi nonnulla adduxi in cap. final.
de postulat. Prælat.

b *Dominico in ipsa festivitate Paschali.*) Pas-
chatis enim Sabbatum ex veteri Ecclesiæ institu-
to baptizmî sacramento conferendo definitum
fuisse, probant Victor Papa in epist. 2. ad The-
ophilum Alexand. Episcopum, ibi: Celebritatem sancti
Pasche die Dominicæ agi debere, & predecessores
nostrorum statuerunt, & nos illud vobis eadem cele-
brari solenniter mandamus: à quarta decima vero
luna primi mensis, usque ad vigilenum primum eius-
dem mensis diem eadem celebretur festivitas: co-
dem vero baptizmî celebrandus est. Catholicus
Tertul. de baptismo cap. 19. Diem baptismo solennio-
rem Pascha præstare, cum & passo Domini, in qua
tingimur, adimplita est. Nec incongruenter ad figura-
ri interpretabitur, quod cum ultimum Pascha
Dominus esset acturus, misericordia eum ad præparandum,
inveniens, inquit, hominem aquam bajulante. Pas-
sche celebranda locum de signo aqua ostendit. D.
Basil. de exhort. ad baptizmum: Quod tempus Baptis-
mo cognatum est, quam Paschalis dies? quod ea lux
resurrectionis monumentum quoddam existat. Baptis-
mi namque ad resurrectionem facultas, arraboque est
resurrectionis. Ergo gratiam inde resurrectionis exci-
piamus. Et cap. sequitur 90. de consecrat. diff. 4.
Plura congerit, rationem hujus sacri ritus illu-
strans Joseph. Vicecomes lib. 1. de ritibus Baptismi,
cap. 19. cum sequentibus.

c *Birrum album.*) In ipso baptismo vestem
candidam dari recenter baptizatis, jam à tempo-
ribus Apostolorum usque ad nostra saecula, con-
stat ex Dionygio de Eccles. hierarch. cap. de baptis-
mo, ibi: In tribus eius, qui initiantur, demersioribus,
emersionibusque, triam divinæ beatitudinis personarum
nomina appellat, & invocat, acceptumque eum sa-
cerdotes, & sponsori, & ducit, permittunt, eum
demque cum ueste eo digna induerunt. B. Cyril.
Hierosol. Exquis uestibus antiquis, & his, que sunt
secundum spiritum albe, indutis, perpetuo jam in albis
incedere oportet. D. Chrysostom. homil. in psal. hum.

118. Habetote tunicam mundam, sicut accepisti in
baptismo: nullus eam maculet moribus suis, nullus
pravitate cordis scandat tantam pulchritudinem
vestimentale accepisti vestem in baptismo, qualem
habuerunt Angeli, qui servabant Dominum in sepul-
chro: quia sicut mix ita erat uestis eorum. Fortuna-
tus lib. 4, de Iud. ad fid. adductis.

*Laetetur hinc uestis color est, hinc lampade fulgar
Ducitur, & vario lumine pieta dies.*

Meminerunt hujus sacri ritus quamplures Ec-
clesia Patres, nec non Historici congesi à Jo-
sepho Vicecomite lib. 5. de ritibus baptismi, cap. 6.
cum quatuor sequentibus. D. F. Joseph. à Sancta
Maria Carthusianus de ceremoniis Baptismalibus,
cap. 25. & 26.

d *Legali.*) Relata in l. ult. Cod. de Iudeis.

e *Scriptum est.*) Psalmus 5. 3.

f *Muneri provideat.*) Quod etiam eidem
commendat eodem lib. 7. epist. 2. his verbis: Quid in
Sardinia hostes nostri fuerint operati prius quam fra-
ternitatis vestra epistola ad nos perveniret: agnori-
mus: & quia hoc futurum dudum metuimus, evenisse
quod praevidiimus, nobiscum nunc gemimus. De hac
pace cum Agiulfo inita nonnulla adduxi in
cap...

COMMENTARIUM.

EX hoc textu sequens communiter deduci-
tur assertio: iudei inter Christianos communi-
ties veteres synagogas reficeret, & reparare valent;
novas vero erigere nequeunt. Probant eam idem
Gregorius lib. 1. epist. 34. ad Iohannem Episcopum tur.
Taracinen. ibi: Ioseph presentium lator iudei ins-
nuavit nobis, quod de loco quodam, in quo ad celebran-
tas festivitas Juas iudei in Taracineni castro
consistentes convenire consueverant, tua eos frater-
nitatis expulerit, & in alium locum pro colend's
similiter festivitatibus suis, te quoque nocentes
& consentiente migraverint: & nunc de eodem
loco etiam expulsi se denouo conqueruntur. Quod
si ita est, volumus ut tua fraternitas ab hijs modi
se querela suspendat, & ad locum, quem, sicut pra-
dictimus, cum tua conscientia, quo congregentur, ad-
epti sunt, eis sicut mos fuit, liceat convenire. Et
l. final. §. penult. Cod. de Iudeis. Theodosius in
suo

suo edito apud Cassiodorum lib. 2. epist. 27. ibi: Sicut exorati iustum cupimus præbere consensum; ita per nostra beneficia fraudes fieri legibus non amamus, in ea parte præcipue, in qua divinare reverentia credimus interesse. Ne ergo insultare videantur elati, divinitatis gratia desituti. Quapropter tegmentum tantum vetusti parietibus superimponere Synagoga vestra, praesenti vos autoritate censemus, petitionibus vestris catenus licentiam commodantes, quatenus constituta divalia permiserunt. Nec aliud ornatus fas sit adiungere, vel in amplianda edibus evagari. Noveritis vos severitatem minime disfugere veteris sanctionis, si rebus non absenteat illuc. In ipsis vero parietibus cooperendis, vel reficiendis tantum licentiam damus, si rebus tricennaliis non potest obesse prescriptio. Quid appetitis, quae refugere deberetis? Damus quidem permisum, sed errantium votum laudabiliter improbatum. Religionem imperare non possumus, quia nemo cogitur ut credat invitus. Illustrant ultra congetos à Barbosa in praesenti, P. Gregor. lib. 2. partit. tit. 5. cap. 2. Mendoza lib. 3. Concil. illiber. cap. 46. & 47. Cujac. lib. 16. observ. cap. 3. Azor p. 1. instit. cap. 22. Jacob. Gothofred. in opusculo de templis demolendis, Thomas Delbene part. 1. de offic. Inquisit. dubit. 236.

^{6.} Sed pro dubitandi ratione ita argumentor, impugnat. Perduellum, tyrannorumque adficia solo co-sufficio. quantur in peccatum gravis sceleris, l. is cum quo 20. ff. commun. divid. l. 2. §. si quis nemine, l. ult. ff. ne quid in loco publico, l. fideicomis-ſa 11. §. qui illici, ff. de legat. 3. l. 24. ff. de pen-ſis. Illustrant Vulteius diſcep. jur. cap. 9. Duran-tius Casel. lib. 2. var. cap. 16. Cabreros lib. 2. de metu. cap. 30. num. 6. Sed nulla potest admitti culpa major, quam Judæica superstitionis, & Ju-dæorum perfidia. Igitur eorum Synagogæ non reficiendæ, immò diruenda, evertendaque omnino sunt. Facit exemplum Paganorum tempora claudi, & demoliri jubetur in l. 1. l. omnia 5. Cod. de paganis, l. 4. Cod. Theodof. eod. titul. l. 16. eod. tit. & Cod. Si quā in agris tempora sunt, sine turba ac tumultu diruantur; bis enim dejectis, atque sublatas, omnis superstitionis materia consumetur. D. Au-gust. lib. 18. de civit. Dei, cap. ult. In civitate no-tissima Carthagina Africa Gaudentius, & Jo-vius Comites Imp. Honorii xiv. Kal. April. falsorum Deorum tempora everterunt, & simula-cra frègerunt; quas constitutiones SS. Patrum collaudarunt, immò & auctores earum se præfici-terunt, ut constat ex S. Cypriano in extort. ad marty. cap. 5. ubi alia citat Pamelius ex Eusebio lib. 2. de vita Constantini. cap. 34. & 44. & lib. 4. cap. 23. Ruffino lib. 2. hist. cap. 19. Nicetophoro lib. 7. cap. 46. & lib. 8. cap. 33. Ambrosio lib. 5. epist. 30. Augustino lib. 1. de epistolis Parmen. cap. 7. & epist. 48. & 50. nisi exinde publicus urbis aspectus deformetur; nam tunc propter ornatum civita-tis demoliri non debent, l. sicut, Cod. eod. titul. ad quem ornatum respexerunt PP. Concili. Afri-canis sub Bonifacio can. 5. in illis verbis: Instant etiam alia necessitates à Religiosis Imperatoribus po-stulandæ, ut reliquias Idolorum per omnem Africam jubeant penitus amputari; nam plerisque in locis maritimis, atque possessionibus diversis adhuc erroris istius iniquitas viget, ut præcipiant & ipsa deleri, & tempa eorum, que in agris, vel in locis abditis confi-tuta, nullo ornamento sunt, jubeant omnimodo de-strui. Quam demolitionem templorum probant,

& illustrant Joannes Baptista Fickerus in Theo-log. Iuridic. fol. 507. l. Gothofred. in opusculo de templ. denal. Solorzani tom. 2. lib. 1. cap. 24. num. 53. Justel. ad can. 58. Eccles. Afric. Igitur similiter synagogæ, in quibus Judaica festivita-tes, & ceremoniae exercentur in opprobrium Catholicæ Religionis, omnino sunt diruenda, evertendaque, non vero reficienda, aut repa-randa. Augetur hæc dubitandi ratio ex eo, nam si Judæis simul cum Catholicis commorantibus permitteretur Synagogas habere, easque refice-re, & reparare; concederetur illis earum usus, id est exercitium caremoniarum sue religionis, quarum causâ Synagogas adificant, in eisque conveniunt, ut infra dicimus: sed Judæis com-morantibus inter Catholicos prohibetur usus suorum rituum, ut mortuos cum cantu sepelire. Concil. Narbonense sub Recharedo ibi: Iudeis non licet corpus defuncti deducere psallendo, sed ut eorum habuit mos, & consuetudo antiqua, corpus deducant, & deponant. Pascha celebrare. Concil. To-let. 2. can. 9. ibi: Ne Iudei more suo celebrent Pascha, vel carnis circumcisio nem exerceant. Igitur frustra illis permitterunt synagogas reficere, & habere. Augetur secundò hæc dubitandi ratio ex eo, nam reficere adficare est, l. 1. §. 9. ibi: Adficare autem, non solum qui novum opus molitur, intelligen-dus est, verum is quoque, qui vult reficere. Sed no-vas Synagogas adficare Judæis non licet; igitur nec veteres reficere.

^{7.} Quæ dubitandi ratione ita fulcitur non obstan-te, vera est praesens assertio, pro cuius expostio-ne scire oportet, Synagogam dictam esse à Graeco verbo *synago*, quod est *colligo*; unde syna-goga Græcæ, Latine dicitur *colectio*: quarelo-ca illa, ubi Judæi congregabantur ad legendam, & audiendam legem Moysæ, Synagoga dice-batur. Nec tantum Synagogæ Judæorum erant in Judæa, & Galilæa, verum in aliis provinciis, ubi Judæi degebant, veluti Damasci, Salami-na, Antiochiae, Pisidiae, Thessalonicae, Athe-nis, Cerinthi, Ephesi, ut habetur in actibus A-po-stolorum cap. 9. vers. 2. cap. 13. vers. 5. cap. 14. vers. 1. cap. 17. vers. 1. & cap. 18. vers. 4. nam in illis civitatibus habitabant Judæi permixti cum Gentilibus, ut patet ex locis citatis. Unde etiam Synagogæ, quæ ibi erant, non appellabantur Synagogæ Gentilium, sed judæorum. Actorum cap. 13. vers. 5. Cum venissent Salami-nam, predicabant verbum Dei in Synagogis Iudeo-rum. Et cap. 14. vers. 1. Factum est autem Ico-ni, ut simul introirent in Synagogam Iudeorum. Et cap. 17. vers. 1. Venerunt Theffalonicam ubi erat Synagoga Iudeorum. Et earum usum apud Judæos invaluisse ante constructionem templi, probant Cochier. in face bistor. cent. 2. cap. 27. Ec-ca-nus in analog. cap. 12. num. 38. & ultimis tem-poribus refert Sigonius de Repub. Hebreor. lib. 2. cap. 8. in urbe Hierosolyma trecentas octoginta Synagogas costructas fuisse, eo quod Judæi ex omnibus regionibus convenienter. Erant ergo Hierosolymæ Synagogæ peregrinorum, & templū ciuium: in reliqua vero Iudea, & Galilæa, & in ceteris provinciis, in quibus Judæi post disper-sionem versabantur, erant etiam Synagogæ inco-larum, quibus Hierosolymam adire non erat commodum. De Hierosolymitana una Synagoga mentio si præcipue Actuum Apost. cap. 6. Surrexe-runt quidam de Synagogæ, que appellatur Libertinorum, & Cyrenensium, & Alexandrinorum, ac

eorum

eorum quae erant in Cœcilia, & Asia, disputantes cum Stephano. Hi enim omnes erant Judæi, verum in provinciis habitantes, qui cum Hyerofolynam negotiorum suorum causâ adibant, non ad templum, sed ad synagogam, quam ipsi sibi paraverant, convenire instituerant. Item apud Joannem cap. 8. Ego semper docui in synagoga, & in templo, quo omnes Iudei convenient. De exteris cap. Actuum 15. Moyses à temporibus antiquis habet in singulis civitatibus, qui eum prædicens in synagogis, ubi per omne Sabbathum legitur. Per Moyse autem intelligit libros ejus. Hæ vero synagogæ aliquando à privatis hominibus etiam Gentilibus, pii officii causa construcabantur, ut fuit illa Lucae 7. in Capharnaou à Centurione Romano; sic enim dixerunt Judæi: Dignus est ut Janes illi servum, diligit enim gentem nostram, & synagogam adiuvavit ipse nobis. In singulis synagogis erant cathedrae, & sedilia, in quibus fedebant tum illi qui legebant, & explicabant legem Moysis; tum illi qui audiebant, ut patet ex cap. 23. Matthæi, vers. 6. ubi de Scribis & Pharisæis dicitur: Amant primas cathedrales in synagogis.

8.
De usu
Synagogarum.

Sed ut ad usum, in quem ædificatae fuerunt synagogæ, perveniamus sciendum est, tripliæ ex causa synagogas à Judæis construiri. Prima ad docendum, nam solebant DD. populi singulis Sabbathis convenire ad synagogas, ibi que legere, & explicare libros Moysis, ac Prophetarum. Actum Apost. cap. 15. vers. 6. ibi: Moyses à temporibus antiquis habet in singulis civitatibus, qui eum prædicens in synagogis, ubi per omne Sabbathum legitur. Ordinarii autem DD. erant Scribiæ, & Pharisæi, de quibus cap. 23. Matthæi, vers. 2. Super cathedralam Moysis federavani Scribiæ & Pharisæi. Quod officium sapè exercuit Christus Dominus, ut refertur Marcii cap. 1. vers. 21. ibi: Sabbathis ingressus in synagogis docebat eos. Et cap. 4. Luce, vers. 15. ibi: Et docebat in synagogis eorum. Alioquandoque illuc accedentes invitabantur ad prædicandum, ut de Paulo, & Barnaba legitur Actum Apost. c. 13. vers. 14. Ingressi synagogam die Sabbathorum federunt ipsi lectioinem autem legis, & Prophetarum, miserant Principes synagoge ad eos dicentes: Viri fratres, si quis est in vobis sermo exhortationis ad plebem, dicite. Surgens autem Paulus, & manu silentium indicens, ait: Viri Israëlite, & qui timet Deum, audite, &c. Sic etiam & Christus Dominus ab eis invitatus docuit in synagoga, ut refertur Luca cap. 4. vers. 16. Secundò solebant Judæi orationis causâ convenire in synagogis, ut constat ex cap. 6. Iudith, vers. 21. ibi: Convocatus est omnis populus, & per totam noctem intra Ecclesiam oraverunt petentes auxilium à Deo Israëli. Ubi per Ecclesiam non potest aliud intelligi, quam synagoga, ut etiam accipitur psalmo 25. vers. 12. & psalmo 67. vers. 27. & constat ex cap. 6. D. Matthæi, vers. 5. ibi: Cum oratis, non eritis sicut hypocrite, qui amant in synagogis, & in angulis platearum stantes orare. Tandem solebant Judæi in synagogis punire eos, qui verè deliquerant, vel falsò putabantur delinquisse, juxta illud Matthæi cap. 1. vers. 17. In synagogis suis flagellabunt vos. Et cap. 23. Matthæi, vers. 34. Mitto ad vos Prophetas, & ex illis flagellabitis in synagogis vestris. Et Actum Apost. cap. 22. vers. 19. Ego eram concludens in carcere, & cedens per Synagogas eos, qui credebant in te. Et cap. 26. vers. 11. Per omnes synagogas frequenter puniens eos, compellebam blasphemare. Plura de his synagogis, & earum religione congesse-

runt ultra Theologos positivos in locis sacra pagonum suprà relatis, Torniellus in annalibus, anno mundi 2594. Beccanus in analogia, cap. 12. Kochier in face histor. cent. 2. cap. 27. Simon Majolus dierum Canicul. cent. 2. cap. 27. Novarinus lib. 5. schediasm. cap. 20.

His suppositis ratio præsentis assertionis, quare videbunt Judæis permittitur retinere veteres synagogas, & reficere, non vero novas construere, provenit ex eo, quia etiæ Judæi foventi non sunt, immò potius arguendi, & incredandi, tamen in suis synagogis inquietandi non sunt: quod & Romani Imperatores, qui illis valde infestuerunt, & Ecclesiæ PP. statuerunt. Imperatores in l. spadonem 15. §. 6. ff. de excusat tutor.

Ibi: Iam autem Iudei, & non Iudeorum rurores erunt, sicut & reliqua administrabant. Constitutions enim in iis solum sine molestia esse jubent, per quæ cultus inquirari videtur, l. 3. §. final. ff. de decur. l. 2. l. die 13. Cod. de Iudeis, l. Chrysostomi 6. Cod. de paganis, l. 24. Cod. Theodos. eod. iii. Solorzonus tom. 2. de Iure Indian. cap. 10. quare etiæ eorum collegia improbata effent, ut probant Brissonius lib. 1. selec. cap. 4. Ofualds lib. 18. Donelli, cap. 7. littera N. (etiæ contrarium tenet Cujac, lib. 7. obser. cap. 30.) tamen eorum Synagogæ immunes erant ab hospitio, eorumque ritus tolerabantur, veluti circuncisio, l. circumcisio 11. in princip. ff. ad leg. Cornel. des carni. Feria Neomaniarum, aliarumque solennitatum, l. final. Cod. Theodos. de ferris, l. 20. eod. Cod. de iudeis, l. 8. eod. Cod. de executionibus: Ideoque Judæum in jus vocari non posse die Sabbathi, docetur in l. die 13. Cod. de Iudeis. Unde recte Fornerius lib. 2. rer. quotid. cap. 4. restituit negacionem in l. Iudei 8. Cod. de Iudeis: ubi vulgo legitur: Iudei communis Romano jure viventes in his causis, que tam ad superstitionem eorum, quam ad forum & leges: cum legendum sit, in his causis, que non tam ad superstitionem eorum, ut habetur in l. Iudei, Cod. Theodos. de Iudeis. Facit Callidorus lib. 5. epist. 37. ibi: Libenter annuimus, quod sine legum iniuria postulatur, maximè cum pro servanda civilitate, ne illis sint neganda beneficia iustitia, qui adhuc in fide cognoscuntur errare. Atque ideo discant rerum bonarum suavissimum saporem, ut qui humanam iustitiam intantur querere, sollicitus incipiant divina judicia cogitare. Proinde quoniam nonnullorū pos frequenter causamini præsumptione laceratos, & qua ad Synagogam vestram pertinent, perhibetis iurâ rescindî, opitulabitur vobis manuetudinis nostra postulata tutio. Quatenus nullus ecclesiasticus, que Synagoge vestra jure competitum, violentiā intercedente pervadat, nec vestris se causis importunâ acerbitate permisceat. Sed ut religionis cultum, ita & actuum sint conversione discreti: hac tamen moderatione principialis auxiliū beneficium concedentes, ut nec vos quod ad prefata Ecclesia ius, vel religiosas personas certi legibus pertinere confiteri, incivilitate attrahare teneris. Tricennialis autem humano generi patrona prescriptio, eo quod cuncti vobis jure servabitur: nec conventionalia vos irrationabiliter præcipimus sustinere dispendia, ut hac pietatis nostræ defensione muniti, perito vestra ab illis illis se liberatam gratuleretur incommode. Concedimus quidem, clementia nostræ consuetudine, que rogatis. Sed quid Iudei supplicare temporalem quietem queritis, si eternam requiem invenire non positis? Et lib. 4. epist. 43. quod constitutum est, ut ita blanditus, & beneficis ad fidem nostram Catholicam alliciantur,

ciantur. Recet ergo in præsenti juxta legitimas sanctiones statuit Gregorius, Judæos veteres Synagogas reficere posse, novas verò construere non valere. In ipsarum autem refectione fideles Catholici calcem, lapides, ligna vendere nequeunt, ut docent Azor. part. 1. lib. 8. *infir. cap. 22. queſt. 5.* Riccius *de jure person.* lib. 2. cap. 39. num. 5. Licet enim Ecclesia simar Judæos veteres Synagogas reficere; tamen Catholici hoc faciendo peccant, quia non recet sequitur: Judei possunt reficere Synagogas veteres. Ergo ad hanc refectionem possunt cooperari Christiani, nam hoc dato sequeretur, quod omnia quæ tolerantur Judæis, possint fieri per Christianos, contra textus dertos in can. 6. *Apost.* ibi: *Si clericus, vel laicus ingrediatur synagogam Iudeorum ad orandum, deponatur, & excommunicetur.* Et can. 70. ibi: *E-piscopus, Presbyter, Diaconus, Clericus jejunans cum Iudeis, vel festis celebrans, vel xenia festorum ab eis accipiens, ut azyma, vel aliquid quid, deponatur, laicus excommunicetur.* Et can. 71. ibi: *Si Christianus o-lem deferat in templo Gentilium, vel in Synagoga Iudeorum in eorum festis diebus, aut lucernas incen-dat, excommunicetur.* *Synodus Laodic. can. 29. 37. & 38.* Non autem licet illis ampliores, & pretiosiores Synagogas facere, & consulunt, hoc sit. Unde conquerebatur Clemens IV. epist. ad Episcopos Po-lomei, ibi: *Synagogas Iudei adificant plumbo tectas desuper, intus diversis coloribus depingunt, in tantam ea altitudinem producentes, ut eorum respectu decorem donum Domini perdidisse in Polonia videatur.* Aliquando tamen inspiratione divinâ fuisse à Christianis dirutam Synagogam, legimus apud Gregor. Turon. lib. 5. cap. 11.

Nec obstat dubitandi ratio suprà adducta, nam licet perduellium, & simulum reorum domus diruantur, delubraque, & templo Gentilium, tamen Synagogam Judæorum tolerantur ex variis rationibus. Prima, quia dum intra eas Judei congregantur sine fideli scandalo, licet peccent in Deum, non agnoscendo fidem Catholicam, non tamen peccant in ipsam religionem Christianam, aut proximum. Secunda, nam tolerantur cæmoniae Judæorum, non verò Paganorum; quia in ritibus Judæorum olim prafigurabatur veritas fidei, quam tenemus: unde nobis resultat, quod testimonium fidei nostrâ habemus ab hostiis, & quasi in figura nobis repræsentatur. Ritus autem Paganorum nihil utilitatem affert: quare permitti non debet à Principibus Catholicis: mala enim, seu peccata tolerantur, vel propter aliquod bonum, quod ex illis proveni, vel propter aliquod malum, quod evitatur: docet D. Thomas 2. 2. queſt. 10. art. 11. Quare cum neutrum ex his proveniat templis Gentilium, idco diruenda sunt, ut demoliri fecerunt Imperatores Catholici variis constitutionibus, quæ extant tam in Codice Theodosiano, quam Justin. sub tit. de paganis: & referunt Sozomenus lib. 4. cap. 1. Alciatus lib. 1. pererg. cap. 13. Solorzanus tom. 1. lib. 2. cap. 20. ubi numer. 2. 5. refert historiam textus in l. 1. *Cod. de paganis,* Baronius anno Domini 326. Ficlerus in Theolog. jurisd. licet aliquando etiam à Principibus Catholicis templo ipsa permisla legamus, ut in l. 1. *Cod. Theodos. de fid. Cathol.* saltem ut negotian-di causa, non verò sacrificandi, ibi conveniretur, l. adem 8. *Cod. Theodos. de paganis:* aut ne illis di-rutis aspectus urbium deformaretur, l. sicut 15. l. 18. *Cod. Theodos. de Pagan.* Quæ ratio quia cel-

sabat in agris, ideo permisum fuit templo in eis posita diruere, l. si qua 16. *Cod. Theodos.* eod. tit. refert Baronius anno 201. num. 17. & 39. Aliquando etiam templo ipsa destructi eorum aris usibus publicis assignata fuerunt, l. *templorum 19. Cod. Theodos.* eod. tit. quæ lata est anno 408. ubi etiam detracta fuerunt annonæ, & redditus, ut rem annonariam juvarent (sic legendum est, non nubente,) ut præsens Salmasius in *notis ad Vopiscum in Aurelian.* id est, ut redditus eorum publicæ annonæ defervirent, l. 4. *Cod. de divers. prædīs,* l. final. *Cod. de fundo patrim.* Nec obstat augmentum difficultatis deductum ex dictis Concilii Tolet. & Narbonensi. Nam respondendum est, quod licet Judæis permittatur Synagogas reficerre, in cibisque convenire, ad suos ritus peragendos, solemnitezque celebrandas confuetas; tamen novas instituere, aut antiquas reficere publicè in opprobrium religionis Catholicæ, & scandalum fideliū illis prolibetur, ut in dict. can. 9. *Concilii Narbon.* ubi prohibetur, ne cum cantu deferant Judæi cadavera defunctorum, quia illi noviter cantum adhibere in suis funeribus intendebant: ideo illis tantum permittitur cadavera juxta veteres ritus deferre. In dicto autem Concilio Tolet. 12. prohibentur cæmoniae illæ Judæis jam baptizatis, non verò illis existentibus in ipsa perfidia Judaica; quod facilè probatur, nam in eo refertur leges Recesviti Regis, quæ extant in titul. 2. lib. 12. fori judic. & in earum prima exprefse agitur de Judæis baptizatis utentibus præcis cæmoniis: quam prohibitionem firmarunt PP. in dicto Concil. Tolet. 2. can. 6. Nec obstat ultimum augmentum deductum ex dict. l. 1. §. final. de mor-tuo infer. nam longe aliud est facere, aliud verò reficere, l. 3. §. penult. ff. de itinere, atque: licet verbum faciendi generaliter sumptum etiam refectionem contineat: quo modo accipitur in editio de mortuo inferendo: quan doctrinam ad praxim in pluribus casibus admittit Marinis lib. 2. resol. cap. 213.

Manet ergo Judæis simul cum Catholicis commorantibus permitti Synagogas habere, casque reficere, ac in eis cæmonias suas, & festivitates celebrare, dummodo inde scandalum fideliū non præstent, aut aliquid in opprobrium Christianæ religionis intendant. Unde expōndens est textus in l. 1. *Iudeos, Cod. de Iudeis,* qui extat in l. 18. *Cod. Theodos.* eod. tit. in hac verba: *Iudeos quodam festivitatæ sua solenni di Aman ad pœna quondam recordationem incendere, & sanctæ crucis ad simulatam speciem in contemptum Christiana fidei sacrilegâ mente exurere, provinciarum Re-tores prohibeant, ne locis suis fidei nostra signum immisceant, sed ritus suos infra contemptum Chri-stiana legis retineant, amissari sine dubio permitta-hatenuis, nisi ab illicitis temperaverint.* Cum enim Aman, Regis Artaxerxis, quem sacræ litteræ Assuerum appellant, Praefectus, decem milia talentorum Regi pollicitus obtinuisset, ut certo die omnes Judæi occiderentur, Mardochai, & Regina Esther operâ fraude detecta, Aman in ligno, cui Mardochæum affigere statuerat, suspenitus fuit, Judæique eadem die quamplures ex hostiis interfecerunt, ut refertur Esther cap. 3. & tradunt Josephus lib. 11. antiquit. cap. 6. Baronius tom. 5. anno 408. fol. 276. ob cujus casus memoriam Judæi quotannis festum celebra-bant, in quo effigiem Aman cruci affixam incendebant, xiv. vel xv. die mensis Adarū, qui

11.
Expositus
L. Iudeos,
C. de Iudeis.

qui Februario, & Martio respondet. Ut enim ista festivitas celebrior haberetur, crucis, cui aliquando affixus Aman fuerat, simulacrum exure solebant, ac si de atrocissimo hoste poenam sumerent. Ex variis refert Jacob. Gōthof, in eodem textu, in Theodos. Sed cum post Christi passionem ab omnibus Catholicis cultu latria crux veneratur, cap. si canonici, §. final. de offic. ordin. lib. 6. L. decernimus, Cod. de Episc. & cleric. l. unic. Cod. nemini licere, l. final. §. fin autem, Cod. de jure delib. Novel. 5. Iustin. cap. 1. & 15. cap. 1. & 125. cap. 32. plura Cretpetius in summa verbo Crucis adoratio, Vazquez in 1. part. quæst. 25. art. 3. disput. 112. Bellarminus tom. 1. controv. lib. 2. de Eccles. cap. 17. 18. & 19. Azor part. 1. infit. lib. 9. cap. 6. Suarez advers. Reg. Angl. lib. 2. cap. 14. Piti Imperatores Honorius & Theodosius prohibuerunt, ne deinceps Judæi in Christianæ religionis contemptum crucem incenderent, aut ne sacro signo in suis jocis (ita legendum est, non locis,) uterentur; quia exinde opprobrium Christianæ religionis sequebatur. Presenserunt Panciroli. lib. 2. var. cap. 179. Mornacius, & I. Gothon. in eo textu, P. Burgi lib. 1. elect. cap. 15.

^{12.}
Exponitur
Clement.
unic. hoc
tit.

Deinde ex hucusque traditis lucem accipit textus in Clement. unica hoc tit. ubi prohibetur Saracenis simul & commixtum habitantibus cum Christianis, altâ voce clamare, ut convocentur in Mezchitam, illis verbis: Legalip eli alla: id est, non alius vîctor, nisi solus Deus: quæ verba & in suis scutis Saraceni portant ad hos.

norem Mahometi profitendum, ut referunt Cal. condyllas lib. 3. de reb. Turcicis, Pineda lib. 17. mœnarch. cap. 15. Lorca in catechesi, in vita Mahometi: & constat ex ipso Alcorano azora 4. 12. & 13. cum inde apud Christianos scandalum oritur, & talis vociferatio in opprobrium Christianæ religionis cederet. Ideoque PP. Conclit Viennensis in dict. Clement. 1. similem ceremoniam Saracenis prohibuerunt, et si privatis, & in locis abditis similes ritus tolererent, ut constat ex Beato Germano Patriarcha CP. epist. ad Thomam Episcopum Claudiopolenos, relata in Concilio Nicæno 2. action. 4. in illis verbis: Saracenis sufficit, quod in eremo lapidi inanimato sacrificia faciant, acclamantque hanc vocem. Chubar; quod à patribus acceptum per puerila mysteria, & festa per agunt. Pro cuius textus expositione sciendum est, Saracenos lapidem, quem Bachtam vocant, magnâ veneratione colere; tum quia Abraham illic camelum alligasset, cum immolatus esset Isaac: tum quia Veneris effigies in eo lapide sculpta erat, ut referunt Euthymius panoplia tit. 24. Joannes Filefac. lib. 1. select. cap. 13. fol. 209. Cui lapidi sacrificia offerebant in eremo, id est in deserto Pharam, ut exponens ea verba refert Zerda in advers. sacris, cap. 46. numer. 10.

Etiam ex suprà traditis exponi potest textus in can. 90. Concilii illiber. Cum adductis in ejus notis, & juncto Solorzano tom. 1. de jure Ind. lib. 2. cap. 20. num. 90.

C A P V T I V .

Alexander III.

QVIA super iis, unde ad nos in litteris tuis de Iudæis scripsisti, certum ^b canonem non habemus, f. t. significatione præsentium intimamus, quod Clero quo in unum pariter convocato, generaliter rām nostrā, quām tuā auctoritate indicas, ut Iudæi ostia, vel fenestræ in die Parasceves apertas non habeant, sed eas, per totum diem claudant. ^c Mancipia quoque Christiana nulla cum eis habitare permittas, sed generaliter cunctis edicas, ne aliquis Christianorum in eorum servitio audeat ^d commorari, ne forte ex ipsorum conversatione ad Iudaismi perfidiam convertantur.

N O T A E .

^a **A**lexander.) Ita etiam legitur in prima collectione, sub hoc titul. cap. final. sed addendum est Massiliensi Episcopo, ut in dict. cap. de Iudæis, de decimis, ubi extat secunda pars hujus decretalis, ut jam ibi notavimus. Massilia est Gallia Narbonensis urbs maritima, eademque antiquissima, & potentissima, & moribus cultissima, Phoenicium colonia, ab illis condita olympiadis 45. anno 3. ad quem annum sic notavit Eusebius in chron. Massilia civitas condita Gallia. Ejus meminerunt Cæsar. lib. 2. de bello civili, Justinus lib. 43. Tul. in orat. pro Flacco. Herodot. lib. 5. Solini. cap. 8. quos referunt plura de Massilien Repub. adducentes Aloix ad vitam S. Irenei, cap. 4. Fratres Sarmat. tom. 3. Gallie. fol. 6. 39.

^{2.} **b** Canonem.) Circa ostia, seu fenestræ judæorum in die Parasceves claudendas; nam ut illi eo die usque ad Pascha non possent quasi insufflationis causâ per forum, aut plateas ambu-

lare prohibitum fuerat can. 29. Concilii Aurel. 3. his verbis: Iudæi à die cena Domini usque in secundam Sabbathi in Pascha, hoc est ipso quartuado, procedere inter Christianos, nec Catholicis populis se ullo loco, vel quacunque occasione miscere presumant. Ubi notavit Binius Matifon. can. 14. Iudæi à cena Domini usque ad primam diem post Pascha secundum editum bona recordationis D. Childeberti Regis, per plateas, aut foros, quasi insufflationis causâ deambulandi centia denegetur, & ut reverentiam cunctis sacerdotibus Domini, vel clericis impendant; nec ante sacerdotis consensem, nisi ordinatus habere presumant: quod hoc facere fortasse presumperit, à iudicibus locorum, pro ut persona fuerit, disingatur. Meldense. can. 73. Childebertus Rex Francorum: Iudæi à cena Domini usque in primum Pascha per plateas, aut forum, quasi insufflationis causâ deambulandi centia denegetur. Refert Ant. August. in epit. juris lib. 12. tit. 10. & postea firmavit Innoc. III. in Concil. Lateran. relato in cap. 15.